


民國重修紫陽縣志(二)



楊家駒  
陳振紀  
陳如墉

纂修



重修紫陽縣志卷三

縣知事楊家駒鑒定

兵防志

營制

紫陽營舊志屬興漢鎮駐紮紫陽游擊一員千總一員馬兵五十五名步兵三十六名守兵一百八十四名分防漢陰把總一員馬兵六名步兵十四名守兵六十名分防任河二州塹毛壩關麻柳壩馬兵四名步兵十六名守兵五十名分防雙河關跌馬坎步兵四名守兵六名官員馬十匹兵丁馬六十五匹舊志

紫陽營官兵自乾隆十九年從節次酌改現設都司一員千總一員把總一員經制外委二員額外外委二員馬戰兵三十六名步戰兵一百二十二名守兵一百二十八名分防漢陰廳把總一員馬戰兵二名步戰兵二名守兵四十三名石泉縣汛經制外委一員馬戰兵六名步戰兵六名守兵三十四名班鳩關汛經制外委一員步戰兵六名守兵二十四名分安毛壩塘守兵五名共官兵四百七十七員名

興安鎮後改陝安鎮

同治兵燹以後兵

餉不繼未能募補光緒二年起支餉糈始准收卹官兵一百三

十三員名光緒二十三年奉文裁減二成仍設都司一員千總

一員把總一員經制外委二員額外二員馬戰兵四名步戰兵八十名守兵十六名共官兵一百七十員名分防漢陰汛把總一員步兵十二名守兵二名分防石泉汛經制外委一員步兵十二名守兵二名分防班鳩關汛經制外委一員步兵五名守兵一名演武廳舊志在縣東門外

營田舊志嘉慶九年奉旨籌辦寧陝漢南各鎮新兵借項置買地畝置目連橋水田三十畝七分五釐旱地三十一畝九分班鳩關水田六分旱地四十九畝九分九釐漢陰廳水田八畝五

分六釐  
共計水田三十九畝八分五釐旱地八十一畝八分九釐共收京斗稻穀租八十三石九斗四合共收京斗包

谷租五十一  
石二斗五合

按紫陽營制民國初元停廢而營田在漢陰者歸漢陰財政科經收其餘各處租穀提作本城警察經費民國五年由省財政廳委員協同縣知事將營田估價招民間承買悉數售之

屯運 紫陽營例運漢陰祿米二百三十二石零七升六合四勺運石泉祿米六十六石零八合三勺

按自營制廢後運例即停石泉漢陰二縣祿米非紫陽得而過問矣

塘汛

舊志紫陽營北路三十里太白池塘兵三名又三十里蒿坪河塘兵五名又六十里易家河塘兵五名又三十里腰鋪壩塘兵三名又三十里賀家壩塘兵五名又三十里秦郊鎮塘兵三名至興安陝安鎮署

東路三十里鷓子崖塘兵三名又三十里廟溝塘兵三名又三十里目連橋塘兵三名又三十里跌馬坎塘兵三名又五十里班鳩關汛設經制外委一員兵二十五名又南四十里雙河關塘兵三名至磚坪界

南路三十里瓦房溝塘兵三名又三十里權河口塘兵三名又三十里辛灘塘兵三名又三十里大壩塘塘兵三名又三十里毛壩關塘兵五名又四十五里麻柳壩塘兵五名至四川太平界

按紫陽營塘汎東南兩路清同治初即廢撤北路每塘猶有兵一名至民國始廢志之以見一代之制云爾

驛遞

興安府志紫陽額設馬二匹歲支銀五十三兩五錢五分馬夫一名歲支銀一十八兩

按從前驛遞便於官不便於民光緒中創設郵政局公私均  
便通都大邑皆仿而推之惟紫陽山深谷險用驛遞如故糜  
費無算宣統二年邑士劉錫三因請於當事倡辦郵政分局  
而驛遞乃廢

### 郵傳

郵政分局在城外河街郵差三名

東路由洞河達磚坪安康間日一班

南路由瓦房店毛壩關通四川大竹河四日一班

西路由漢王城通石泉

北路由萬坪河至流水店通安康間日一班

### 鋪司

興安府志紫陽總舖在城內東北六十里至萬坪舖又四十里至安康流水河舖共舖兵十三名歲支銀七十八兩

按紫陽間有流差供支之事而舖司常額則久廢

### 邊防

紫陽僻處山中漢水橫貫為漢中之阨塞踞金州之上游東南界接川巴嶺峻溪深尤稱幽險自前明分疆設縣洎乎有清凡各要區悉置塘汛無不設險守國思慮豫防之意民國以來營

伍撤散防守久虛幸值烽烟靖謐尚可偷安惟防患貴在未然而近憂當為遠慮設一旦邊疆告警即曰肢臂小疾大體無傷然而蹂躪摧殘民何堪命生其間者不亦難乎又况一星之火或致燎原數寸之隄亦坊潰水紫雖鄙邑固未可視為甌脫也謂宜酌仿舊志駐兵治城以資鎮攝再於班鳩關黃草梁二州壩分防設汛以障川邊若遍野關毛壩關烟墩壩螞蝗壩官壩子遶溪岩大營等處皆係要隘則安置礮臺卡房以備堵禦漢水之上下游亦如之至石泉漢陰向亦設有分防究係內地佈置似可從緩但須會協鄰封互通消息庶幾有備無患云



學校志

舊志雍正十二年議准陝西興商二州屬之鎮安山陽商南平利紫陽石泉白河七學均係小學從前因應試人少取不及額今文風日開仍各照原額取進童生八名廩增亦應仍照原額二十名之數紫陽山陽商南三學廩生已數原額自本年起應准其二年一貢乾隆四十九年議准陝撫畢疏興安改府舊志興安州廩額三十名今通歸府學再於平利洵陽紫陽白河石泉等名屬每學抽撥二名歸於府學以足四十名之額至新進文童安康撥七名平利洵陽紫陽白河石泉各撥一名作府學

額乾隆五十五年議准陝撫秦疏漢陰改為撫民通判復設學校應在平洵等五縣每縣再各抽撥三名共十五名作漢陰廩增額數五十六年准學政周咨稱安康廩增籍隸漢陰者均已按籍撥歸其原議平洵等五縣抽撥廩增作漢陰之數准其改撥安康 學政全書

八學額數學冊紫陽縣學歲科試額進文生員各八名內撥入府學一名歲試額進武生員八名撥府學一名廩生增生額數俱十八名廩生兩年一貢

小學通志小學初在縣治舊城西明嘉靖間知縣胡鐘建二十

一年知縣戴本芳萬曆三十五年知縣張繼芳重修明末寇燬  
清順治十年知縣李如桂創建於城北尋圯康熙十二年知縣  
張麟化重建二十七年知縣沈麟重修四十七年知縣余鯨移  
建今縣署西五十年知縣莫吾昭重修雍正七年知縣李昌宗  
捐修後廢嘉慶二十三年知縣龔定國捐建西城內義學並捐  
置山地立碑記事道光二年出售生利歸入義學脩脯道光八  
年知縣徐元潤捐廉五十串文發借生息添補西城內義學修  
資

義學縣冊道光四年張琛以建書院餘錢撥給建東關瓦房店

洞汝河口萬坪河毛壩湖五處義學每學發錢二百串文飭紳士作本生息為學中脩資道光十三年貢生王際盛又以散放撫卹餘錢二百串文添設麻柳壩義學一處

書院縣冊乾隆四十五年知縣張志超新建仙峰書院共五間道光二年知縣張琛勸捐改修東來書院構講堂三楹書室十二間火房二間院夫門房二間樓五間道光十七年知縣陳僅剖廉置樓房四間道光十八年又剖廉於前建廣廈三間為諸生會講習禮之所顏曰東山草堂旁構小樓顏曰齊閣

學田通志一十九畝六分租銀三兩一錢四分八釐舊志明萬

歷二十五年提學道薛公捐置學田三分三十二年提學道祁  
公捐置學田五分後以寇亂荒蕪順治十六年知縣朱允治招  
撫流民開墾無幾正賦外每年僅徵租銀三兩一錢學卷萬坪  
河徐家坪有水旱地二分一陽坡一陰坡每年租穀今付學中  
收納縣卷乾隆四十五年知縣張志超新遷仙峰書院捐置長  
灘瀆水田一分收租作為脩資嘉慶二十三年被水冲刷減納  
課錢二串文乾隆五十年知縣章德溥捐置水田一分計種一  
畝二斗又查出官山荒地三段東北鄉土地嶺西南鄉水磨溝  
木蘭溝招民開墾照例升科每年收租銀六兩一錢除完糧外